



UNIVERSITÄTS-  
BIBLIOTHEK  
PADERBORN

**Repetitio Clem. I. Ut Clericorum De Officio Ordinarii**

**Aufréri, Étienne**

**Leodii, 1702**

Limitatio. 46.

---

[urn:nbn:de:hbz:466:1-63069](#)

## Limitatio. 45.

45. Laicus Iudex secularis in criminibus mixtis, in quibus est locus præventioni, de quibus *in cap. cum sit generale. de foro competen-*, supplet negligentiam judicis Ecclesiastici: ut tenet Petrus de Anchar. *confilio suo 196.* Nam judex Ecclesiasticus cum dolo & negligentia prætermittit procedere, non dicitur prævenisse: ut *in cap. cum plures de officio del. lib. 6.* Et *cap. si duo. de procurato. eodem lib.* Et *in cap. significavit. de offi. ordin.* ubi judex inferior utitur sua jurisdictione quando superior non procedit in causa: ad quod facit dictum Bartol. *in l. 2. ff. de sepulch. viola.* ubi præventio nihil prodest, quando criminis punitio protelatur, contumacia partis, fortius ergo ubi negligentia judicis, secundum eum.

## Limitatio. 46.

46. Laicus Imperator, Reges & Principes alii ad quos pertinet: data negligentia, pos-  
sunt congregare consilium: & tunc non refert per quos consilium evocetur: dummodo con-  
gregetur: ad quod bona, glossa. *in cap. tua de*  
*decimis*, quæ vult, quod in casu schismatis ubi illi qui faciunt scisma per Ecclesiam cor-  
rigi non possunt: Laici habent potestatem in Clericos allegat 23. quæst. 5, capit. de liguri-  
bus, de sentent. excommunicat. cap. ut famæ.  
& scripti supra in tertia fallentia primæ re-  
gulæ, ad quod ultra ibi post Anthom. &  
Si-

## 390 DE POTESTAT. SECUL.

& Sicut allegata , facit cap. ubi majus periculum de elec. lib. 6. ubi in creatione summi Pontificis domini temporales habent potestatem in debentes eligere , ut includantur in conclave , fortius ergo habent potestatem , ubi Ecclesia ex cupiditate per plures laceratur , nec per Ecclesiam potest remedium competens adhiberi , fa. no. per Ioan. An. in cap. 1. de renun. lib. 6. in no.

## Limitatio. 47.

47. Laicus , Princeps secularis per legem suam potest limitare seu interpretari jus divinum : unde licet lex divina dicat. *Non occides* : lex tamen civilis in multis casibus permittit fieri *fieri* homicidium : ut ff. & C. ad l. Corne. de sica. Etiam in lege. divina sufficiunt duo vel tres testes : ut in ca. in omni. de testi. Sunt tamen plures casus , in quibus lex statuit plures haberi testes : ut in testamentis l. hac consultissima. C. de testa. & in casu 2. q. 4. cap. presul. cum simil. Istam conclusionem tenent Antho. Sicul. & Imo, in cap. quæ in Ecclesiarum de const. & Bar. in l. consti. ff. 5. col. ver. Item quæro. & gloss. in fi. in l. fi. ff. de constit. in prim. Bald. in auth. ad hæc C. de usur. & in l. 2. ad finem C. de præci. Imperia. offe.

Et secundum qd tales leges etiam valent in foro conscientiæ. Et quod dictum est in Principe, idem in populo habente jura imperii sicut quam plures civitates Italæ : quæ possunt in terris suis , ea quæ princeps , ut no. Bar. in l. infamem. ff. de pu. judi. & in l. hostes. ff. de capti. per doct. in cap. per venerabilem qui si. sint legi.

Præ-